


上




土岐文庫
文庫17
W138
1



壯世百篇

咸豐九年己未春
吳伯頤





昭和六十年二月一日贈
土佐善唐氏寄



杜詩無可選昔人論之詳矣顧全集千四百篇讀復不
易嘗思隨欣然會意處一編錄取簡練以為揣摩而未
之能信繼得浦君二田說云杜詩合作古書讀少年子
弟揀百篇令熟復性情自然誠慤氣志自然篤厚胸襟
自然闊綽精神自然鼓舞正不獨在學詩然則簡練揣
摩猶詞人結習其有益蒙養如是是烏可以已也向之
志於以決壬子客吳中暇則舉全集孰復冬十二月居
停主人開戎幕於金陵相招同往軍書旁午鉛槧乃少
餘閒遂未卒業今春暫返吳門金陵尋潰陷友人多避
浙者因亦泛宅相從旅寓杜門而後歲事兼刺諸家之

說竊坳已意爲之詮解固未敢穿鑿務新奇亦不欲泛引矜奧博也余昔遊金陵有養正一得之錄以此增益之或又一得耶惟茲篇成於金陵被兵之際憶江上論詩諸友生未卜存亡何所茫茫煙水日暮愁予又可勝故國平居之慨也夫

咸豐三年癸丑九日師筠書於安昌次舍

公諱甫字子美本襄陽人後徙河南鞏縣再徙杜陵唐睿宗先天元年壬子公生元宗開元十九年辛未公年二十遊晉遊吳越二十三年乙亥自吳越歸赴京兆貢舉不第二十五年丁丑遊齊趙二十九年辛巳公年三十自是年至天寶三載甲申皆在東都四載乙酉再遊齊五載丙戌歸長安六載丁亥應詔退下畱長安自是年至九載庚寅皆在長安間至東都十載辛卯公年四十年進三大禮賦元宗奇之命待制集賢院十一載壬辰召試文章送隸有司參列選序十四載乙未授河西尉不拜改右衛率府胄曹參軍十一月省家往奉先肅宗至德元載丙申五月自奉先往白水依舅氏崔少府六月又自白水往鄭州聞肅宗即位靈武自鄜嬴服奔行在陷賊中二載丁酉四月脫賊謁上鳳翔拜左拾遺疏救房琯上怒詔三司推問宰相張鎰救之獲免八月墨制放還鄭省家十月上還西京十一月公至京任左拾遺乾元元年戊戌六月出爲華州司功冬晚離官間至東都二年己亥春自東都回華州關輔饑七月棄官度隴客秦州十月往同谷不盈月入蜀至成都卜居浣花溪上元二年辛丑公年五十居成都草堂間至蜀之新

杜公年譜

公諱甫字子美本襄陽人後徙河南鞏縣再徙杜陵唐睿宗先天元年壬子公生元宗開元十九年辛未公年二十遊晉遊吳越二十三年乙亥自吳越歸赴京兆貢舉不第二十五年丁丑遊齊趙二十九年辛巳公年三十自是年至天寶三載甲申皆在東都四載乙酉再遊齊五載丙戌歸長安六載丁亥應詔退下畱長安自是年至九載庚寅皆在長安間至東都十載辛卯公年四十年進三大禮賦元宗奇之命待制集賢院十一載壬辰召試文章送隸有司參列選序十四載乙未授河西尉不拜改右衛率府胄曹參軍十一月省家往奉先肅宗至德元載丙申五月自奉先往白水依舅氏崔少府六月又自白水往鄭州聞肅宗即位靈武自鄜嬴服奔行在陷賊中二載丁酉四月脫賊謁上鳳翔拜左拾遺疏救房琯上怒詔三司推問宰相張鎰救之獲免八月墨制放還鄭省家十月上還西京十一月公至京任左拾遺乾元元年戊戌六月出爲華州司功冬晚離官間至東都二年己亥春自東都回華州關輔饑七月棄官度隴客秦州十月往同谷不盈月入蜀至成都草堂間至蜀之新

年譜

津青城代宗寶應元年壬寅七月送嚴武還朝到緜州
未幾西川兵馬使徐知道反因入梓州冬迎家至梓廣
德元不赴二年甲辰嚴武再鎮蜀春晚歸成都草堂六月
曹表為節度參謀檢校工部員外郎賜緋魚袋元泰元
武乙巳正月辭幕府歸草堂四月嚴武卒五月離蜀南
下自戎州至渝州六月至忠州秋至雲安大厯元年丙
午春自雲安至夔州秋寓西閣二年丁未春遷赤甲三
月遷瀼西秋遷東屯未幾復歸瀼西三年戊申正月去
夔出峽三月至江陵秋移居公安冬晚之岳州四年已
酉正月之潭州未幾入衡州夏復回潭州五年庚戌公
州依舅氏崔偉因至未陽泊方田驛秋舟下荆楚竟以
寓卒旅殯岳陽子宗武流落湖湘而卒元和中宗武子
嗣業自岳陽遷公柩始歸葬偃師西北首陽山之前

杜詩百篇目錄

五言古詩三十七首

前出塞九首 送高三十五書記十五韻 示從孫
濟後出塞五首 自京赴奉先詠懷五百字 述
懷安吏 潼關吏 北征 彭衙行 贈衛八處士
新安吏 佳人 夢李白二首 新婚別 垂老別
無家別 佳人 夢李白二首 題衡山縣文宣王廟
送重表姪王珣評事使南海 題衡山縣文宣王廟
新學堂呈陸宰 樂遊園歌 白絲行 哀王孫
七言古詩十七首 麗人行 樂遊園歌 白絲行 哀王孫
兵車行 麗人行 樂遊園歌 白絲行 哀王孫
哀江頭 洗兵馬 樂遊園歌 白絲行 哀王孫
歌 又觀打魚 冬狩行 丹青引 贈曹將軍霸 觀打魚
韋諷錄事宅觀曹將軍畫馬圖歌 古栢行 軍霸 縛雞
行 觀公孫大娘弟子舞劍器行 追酬故高蜀州
人日見寄 五言律詩五十二首 喜達行在所三首 收京三首 春
月夜 春望 喜達行在所三首 收京三首 春
宿左省 至德二載甫自京金光門出間道歸鳳翔
乾元初從左拾遺移華州掾與親故別因出此門有

目錄

悲往事 觀安西兵過赴關中待命二首
 軍天 河 擣衣 螢火 月夜憶舍弟 蕃劍 送入從
 送遠 江 不見 客夜 客亭 有感五首 旅夜書
 懷 寂 無 消息 覓使寄此二首 洞房 宿昔 能畫
 載 雞 無 消息 覓使寄此二首 洞房 宿昔 能畫
 日 示 宗 文 宗 武 又 示 兩 兒 秋 野 二 首 歸 雁 二
 公 安 縣 懷 古 登 岳 陽 樓 野 望 樓 上 歸 雁 二
 首
 七言律詩二十八首
 至 日 遣 興 奉 寄 北 省 舊 閣 老 兩 院 故 人 蜀 相 狂
 夫 野 老 恨 別 和 裴 迪 登 蜀 州 東 亭 送 客 逢 早
 梅 相 憶 見 寄 野 人 送 朱 櫻 聞 官 軍 收 河 南 河 北
 野 望 送 路 六 侍 御 入 朝 登 樓 諸 將 五 首 秋
 興 八 首 夜 閣 夜 登 高 又 呈 吳 郎
 五言長律八首
 敬 贈 鄭 諫 議 十 韻 投 贈 哥 舒 開 府 翰 二 十 韻 送
 蔡 希 魯 都 尉 還 隴 右 因 寄 高 三 十 五 書 記 行 次 昭
 陵 喜 聞 官 軍 已 臨 賊 境 二 十 韻 重 經 昭 陵 奉
 送 嚴 公 入 朝 十 韻 送 陵 州 路 使 君 之 任

七言絕句十九首
 贈花卿 戲為六絕句
 歡喜口號絕句十二首
 承間河北諸道節度入朝
 共古今體詩一百篇計一百六十一首



杜詩百篇卷上

含山張燮承師筠集解

五言古詩

前出塞九首

應是哥舒翰征吐蕃時作詳見下送高三十五書記詩注○諸詩皆代為

從征者之言

戚戚去故里悠悠赴交河○公家有程期○亡命嬰禍羅○君已富○土境開邊一何多○棄絕父母恩○吞聲行負戈○

○作○詩○之○目
交河唐貞觀四年於漢車師前王地置交河縣天寶初為郡今為土魯番地去長安八千一百里亡命

師古漢書注命名也謂脫其名籍而逃亡也嬰絆也

刺開邊也首章敘初發時情事結語戀親之情赴國之義俱見

出門日已遠不受徒旅欺○骨肉恩豈斷○男兒死無時○走

馬脫轡頭手中挑青絲捷下萬仞岡俯身試搴旗

青絲梁簡文帝詩宛轉青絲鞋

二章述上路輕生自奮之狀語如身歷三四言骨肉之恩豈能遽絕今所以決然舍去者以男兒死地無常不如死綏為烈耳此承上末二句復作徘徊轉戀語○古名退軍為綏司馬法云將軍死綏

磨刀嗚咽水水赤刃傷手欲輕腸斷聲心緒亂已久丈夫誓許國憤惋復何有功名圖麒麟戰骨當速朽

○重○振○起○
嗚咽水隴頭水也隴山天水大坂在今陝西鳳翔府隴州西北其阪九回欲登者七日乃至山頂有泉清水四注東望秦川如四五里俗歌云隴頭流水嗚咽幽咽遙望秦川肝腸斷絕蔡文姬胡笳曲夜聞隴水露三年圖畫霍光等十一人於麒麟閣
三章中途感觸興體也三四言本不欲以此嗚咽之聲動心無如心亂已久故一經觸耳而不覺手傷腸

斷聲指水以下又轉出一副血性語言心緒雖亂終不以易誓死之志也

送徒既有長遠戍亦有身生死向前去不勞吏怒曠路逢相識人附書與六親哀哉兩決絕不復同苦辛

曠張目怒視也六親漢書注父母兄弟妻子

四章吐被驅之憤亦有身言亦既拌身受苦也與二四皆索性語驅迫至此無復還聚之望六親祇可丟開矣逢相識人非已逢也此時思寄語決絕故欲逢耳

迢迢萬餘里領我赴三軍軍中異苦樂主將宵盡聞隔河見胡騎倏忽數百羣我始為奴僕幾時樹功勳

○寫○出○沒○不○常○如○畫○
○是○令○寒○士○淚○下○
○難○就○意○從○三○章○末○二○句○翻○轉○

挽弓當挽強用箭當用長射人先射馬擒賊先擒王殺

○大○議○論○非○詩○人○語○
人亦有限立國自有疆苟能制侵陵豈在多殺傷

六章忽作閒評論。卻提醒本旨。上四即寓不多殺傷意。有限。言有制也。

驅馬天雨雪軍行入高山。逕危抱寒石。指落曾冰間。已

去漢月遠。何時築城還。浮雲暮南征。可望不可攀。

七章言戍守也。人窮則反本。還家之念。雖前已丟閒。而苦極又不能忍。置矣。真雪舞迴風之致。

單于寇我壘。百里風塵昏。雄劍四五動。彼軍爲我奔。虜

其名王歸繫。頸授轅門潛。身備行列一。勝何足論。

單于廣大貌。匈奴君長之稱。言其象天。單于然也。單時連切音近蟬。雄劍。楚王命鑄。鑄雙劍一雄一雌。名王。謂有大名。以別於諸小王也。漢書匈奴傳。虜名王貴人以百數。

八章言戰陣也。中四乃聊作妄想快意語。末二言立功。縱如上四句所言。然方沈淪卒伍。未必爲封賞所

及。一勝亦何足論哉。即爲下章前半引脈。

從軍十年餘。能無分寸功。衆人貴苟得。欲語羞雷同。中

原有鬪爭况。在狄與戎。丈夫四方志。安可辭固窮。

雷同。聞人言而附和之。如雷發聲物同應也。見曲禮。狄戎。見禮王制。况猶言豈也。

末章若作策勛晉爵語。未爲不合。不知下以啟軍士倖功之心。卽上以長人君喜功之志。而前所云開邊

何多。豈在多殺者。不復相顧。豈詩人託諷之旨。十年寸功。得不償失。可見後半言窮兵不已。非特邊疆

多故。並恐釁起。蕭牆人臣。果有志立勛。儘有効命之處。不必急急以苟得希榮也。

九首承接。祇如一首。深悉人情。兼明大義。當與采薇諸詩並讀。視太白樂府。更高一籌。無意不深。無筆

不健。

送高三十五書記十五韻

高適字達夫。渤海人。解褐封邱尉。去遊河右河

西節度使哥舒翰表為左驍衛兵曹充翰府掌書
記。唐元帥節度府有掌書記一人關預軍中機
密渤海郡今直隸天津府滄州封邱縣今屬河
南衛輝府唐河西節度斷隔吐蕃突厥治涼州
○慎○錄○取○中○隨○第○作○起○最○見○矣○九○
崆峒小麥熟且願休王師請公問主將安用窮荒為饑
鷹未飽肉側翅隨人飛高生跨鞍馬有似幽并兒脫身
簿尉中始與筆楚辭借問今何官觸熱向武威答云一
書記所愧國士知人實不易知更須慎其儀十年出幕
府自可持旌麾此行既特達足以慰所思男兒功名遂
亦在老大時常恨結驩淺各在天一涯又如參與商慘
慘中腸悲驚風吹鴻鵠不得相追隨黃塵翳沙漠念子
何當歸邊城有餘力早寄從軍詩

崆峒山名崆峒有三一在臨洮一在安定一在汝州
此指臨洮○臨洮今甘肅鞏昌府洮州廳安定今甘
肅平涼府汝州今隸河南窮荒窮兵荒微也積石
軍每歲麥熟吐蕃輒來獲之天寶六載哥舒翰先伏
兵于此虜至斷其後夾擊之無一人得返者翰因此
捷後遂贖武窮荒屢致敗衄今高之往適當其時公
故戒其貪勝欲高以之告翰也此是送高本旨○積
石軍在今甘肅蘭州府河州西吐蕃本西羌屬姓勃
窳野居折支水西在吐谷渾西南今西藏地是唐貞
觀八年始通中國則饑饉魏志曹公謂待呂布譬如
養鷹飢則為用飽則饒去幽并見幽今直隸之順
天府并今山西之太原府其俗習騎射筆楚辭尉
有刑人之責今去封邱故云武威即涼州今甘肅
涼州府是慎儀晉書陶侃傳諸參佐當正其衣冠
攝其威儀何有亂頭養望自謂曠達耶老大時高
年已暮參為晉星辰為商星二星出沒不相見詳
見左傳
直有家人骨肉之愛公於同
時諸詩人無不惓惓如此

示從孫濟

濟字應物

平明跨驢出未知適誰門權門多噂沓且復尋諸孫諸

孫貧無事宅舍如荒村堂前自生竹堂後自生萱萱草

秋已死竹枝霜不蕃淘米少汲水汲多井水渾刈葵莫

放手放手傷葵根阿翁懶惰久覺兒行步奔所來為宗

族亦不為盤飧小人利口實薄俗難具論勿受外嫌猜

同姓古所敦

噂沓相對談語也見詩大雅放手後漢永平詔
殘吏放手盤飧熟食也見左傳僖二十三年
萱已死竹不蕃亦傷本支零落賦而比也時必淘米
刈葵故復以起興族之有宗猶水之有源葵之有根
也水有源勿渾之葵有根勿傷之族有宗則亦勿疎
之而已濟或少年孤子由讒言而猜嫌族屬未故詩

淳告之似歌似謠直入兩漢風格

後出塞五首

安祿山以邊功市寵數侵掠奚契丹徵兵東都重賞要士朝廷徇之志益

○安祿山本營州雜胡初姓康名阿鞞山隨母適安氏更名安祿山後其部落破散逃歸范陽狡黠善揣人情范陽節度使張仁愿愛之養以為子又善事帝左右仕至平盧節度使兼范陽河東節度使奚即庫莫奚東胡別種契丹亦東胡種其先軻比能為魏所殺衆遂微至後魏時自號契丹後奚為契丹所併以奚王盧帳所居地建城又號奚契丹東都今河南南府等處是

男兒生世間及壯當封侯戰伐有功業焉能守舊耶召

募赴薊門軍動不可留千金裝馬鞍百金裝刀頭闕里

送我行親戚擁道周班白居易上列酒酣進庶羞少年別

有贈含笑看吳鉤

薊門古薊門在今直隸順天府薊州 鉤劍也吳王闔閭命國中作金鉤有人殺其二子以血豐金成鉤

獻之王詢何以異鉤師呼二子名兩鉤飛著其胷前出塞迫於官遣其情蹙故專就苦一邊形容此往從驕帥賞易邀功易就其氣豪故轉借樂一邊翻出

境界

朝進東門營暮上河陽橋落日照大旗馬鳴風蕭蕭平沙列萬幕部伍各見招中天懸明月令嚴夜寂寥悲笳數聲動壯士慘不驕借問大將誰恐是霍嫫姚

東門上東門洛陽東面門也 河陽橋河陽縣古孟津亦曰富平津跨河有浮橋晉杜預所建 河陽唐屬孟州今河南懷慶府孟縣是 笳史記樂書胡笳似威栗而無孔後世鹵簿用之伯陽避入西戎所作

卷蘆葉吹之也

姚校尉嘗從大將軍出塞

霍嫫姚漢霍去病為嫫姚將指祿山

首章言應募此章言入軍

五首祇如一首章法相銜

而下以前何等高興至是束於軍令乃慘不驕矣

古人重守邊今人重高勳豈知英雄主出師互長雲六合已一家四夷且孤軍遂使貔虎士奮身勇所聞拔劍

擊大荒日收胡馬羣誓開元冥北持以奉吾君

奮身句言輕生賈勇者皆聞主上意旨而起 收胡馬祿山包藏禍心蓄單于護真大馬習戰鬪者數萬匹 元冥淮南子北方水也其帝顓頊其佐元冥

三章全用空說承上起下當時朝廷好大以致邊將要功曰豈知曰遂使正見上行下效探本之言也

獻凱日繼踵兩蕃靜無虞漁陽豪俠地擊鼓吹笙等雲

帆轉遼海粳稻來東吳越羅與楚練照耀與臺軀主將

真所謂借寇兵而齎盜糧也 悲憤

位益崇氣驕陵上都邊人不敢議議者死路隅

兩蕃奚與契丹也祿山屢誘奚契丹飲以葇荈酒葇荈

若藥也以其子釀酒飲之不復醒因而阮之動數千人斬首獻闕下前後數四天寶九載祿山入朝又獻

奚俘入千人上命考課之日書上上考祿山入朝又獻

幽州為今順天府地遼海遼東南臨渤海故名○

渤海在今天津府東跨鹽山靜海二縣境史記高祖

本紀北有渤海之利注海旁出為渤名曰渤海郡

稷稻來祿山鎮范陽江淮挽輸千里不絕與臺見

左傳昭七年位崇七載封祿山柳城郡公九載進

爵東平王陵上都祿山自十三載歸范陽逆節漸

露無復臣禮不敢議有言祿山

反者帝皆縛送之由是無敢言者

四章說到冒功濫恩

隨手逗出驕陵之勢

故素知○善○故習知○主將之心○一篇之旨○

我本良家子出師亦多門將驕益愁慮身貴不足論躍

馬二十年恐孤明主恩坐見幽州騎長驅河洛昏中夜

問道歸故里但空村惡名幸脫免窮老無兒孫

多門言從軍以來不止隸一將之門也坐

見猶言行見立見間道伺間隙之道也

末章情急詞迫不啻祖伊奔告卻託之逃

軍之言所謂言之者無罪聞之者足戒也

前後出塞皆傑作有古樂府之聲而

理勝○筆力高古可與十九首並傳

自京赴奉先縣詠懷五百字

奉先縣西南至京兆

杜陵有布衣老大意轉拙許身一何愚竊比稷與契居

然成溲落白首甘契濶蓋棺事則已此志常覲豁窮年

憂黎元歎息腸內熱取笑同學翁浩歌彌激烈非無江
海志蕭灑送日月生逢堯舜君不忍便永訣當今廊廟
具構厦豈云缺葵藿傾太陽物性固難奪顧惟螻蟻輩
但自求其穴自嘲胡為慕大鯨輒擬偃溟渤以茲悞生理獨
恥事干謁兀兀遂至今忍為塵埃沒終愧巢與由未能
易其節沈飲聊自遣放歌破愁絕歲暮百草零疾風高
岡裂天衢陰崢嶸客子中夜發霜嚴衣帶斷指直不得
結凌晨過驪山御榻在嚙噪蚩尤塞寒空蹴踏崖谷滑
威之奢從○行路所經傳○出胸中鬱結○言外隱憂
瑤池氣鬱律霧林相摩戛君臣畱歡娛樂動殷膠葛賜
浴皆長纓與宴非短褐彤廷所分帛本自寒女出鞭撻

其夫家聚斂貢城闕聖人筐篚恩實願邦國活臣如忽
○者○如○共○供○豫○不○求○至○理○則○厚○賜○為○虛○鄭○矣○此○責○臣○以
至理君豈棄此物多士盈朝廷仁者宜戰慄况聞內金
盤盡在衛霍室中堂有神仙煙霧蒙玉質煖客貂鼠裘
悲管逐清瑟勸客駝蹄羹霜橙壓香橘朱門酒肉臭路
有凍死骨榮枯咫尺異惆悵難再述北轅就涇渭官渡
更○追○憶○途○次○張○皇○之○狀又改轍羣冰從西下極目高崒兀疑是崆峒來恐觸天
故○疑○來○自○崆峒○也柱折河梁幸未圻枝撐聲窸窣行李相攀援川廣不可
越老妻寄異縣十口隔風雪誰能久不顧庶往其飢渴
下○敘○抵○家○事○仍○歸○到○憂○黎○元○乃○是○詠○懷○本○意八門聞號咷幼子餓已卒吾甯捨一哀里巷亦嗚咽所
即○年○豐○啼○飢○意愧為人父無食致天折豈知秋禾登貧窶有倉卒生常

免租稅。名不隸征伐。撫蹟猶酸辛。平人固騷屑。默思失業。徒因念遠。戊卒憂端。齊終南。頊洞不可撥。

杜陵長安城東有驛陵漢文帝築霸南五里即杜陵
宣帝築其東南十餘里有陵差小許后所葬謂之少
陵東即杜曲子美舊宅在其西。今長安縣屬陝西
西安府樓落見爾雅釋木邢疏曰樓一名落按樓
落殆言粗材作渡未詳契濶詩注勤苦也蓋棺
宋劉毅曰大丈夫蓋棺事乃定矣葵藿曹植表葵
藿之傾葉太陽雖不為迴光然終向之者誠也
渤海十洲記員海水色正黑謂之溟海渤詳上後出塞
詩注崢嶸兀兀不動也歲暮者公赴奉先在京至此
初十崢嶸高峻貌驪山在昭應縣東南自京至此
六十里即華清宮處溫泉在焉元宗即山建立百司
驪山牆周其外下又有夾城通禁中昭應今西安
府臨潼縣其下又有夾城通禁中昭應今西安
崔尤指衛士言揚雄甘泉賦蚩尤之倫帶干將秉玉
戚瑤池列仙傳穆王與王母會瑤池雲旗霓裳擁

簇自天而下。此以之比湯池。鬱律氣上升也。郭
璞賦時鬱律其如煙。霧林唐高宗置左右霧林
軍數膠葛從臣浴除供奉兩湯外更有湯十六所每
湯諸嬪御其修廣與諸湯不侔。彤庭張衡西京賦
金凡玉階彤庭輝輝。去病也。兩家皆漢內戚以比楊
活國衛霍青霍去病也。兩家皆漢內戚以比楊
氏神指楊如及諸姨。駝蹄羹魏陳思王製駝
蹄為羹號七寶羹。涇渭二水涇出涇陽斧頭山入
渭渭出隴西首陽縣鳥鼠同穴山入河。涇陽今甘
肅平涼府平涼縣首陽今甘肅蘭州府渭源縣按陝
西西安府治內有八川涇渭居其二。此涇渭指流入
西安之涇渭也。崑崙元高貌昨沒切。天柱列子
共工氏與顓頊爭怒而觸不周之山折天柱絕地維
據。枝撐交木也。王延壽靈光殿賦枝撐天柱絕地維
檀弓上。騷屑淒涼也。異縣指奉先。一哀見禮記
中。八百餘里。頊洞相連。貌頊呼孔切。撥拾取也。
通篇祇三大段。首明資志去國之情。中慨君臣耽樂
之失。末述到家哀苦之感。身際困窮。心憂天下。自是

士寺二

九

林語上
希稷契人語。中間敘事夾
議論以行。深得變雅之體。

述懷

天寶十四載十一月安祿山反十五載六月

卽位于靈武是年改元至德是為肅宗公問肅宗

卽位自鄜州奔赴行在陷賊中至德二載二月帝

至鳳翔四月公脫賊謁帝於鳳翔拜左拾遺此拜

拾遺後作。靈武今甘肅甯夏府靈州鳳翔今隸

陝西卽漢之右扶風

鄜州今亦隸陝西

去年潼關破妻子隔絕久今夏草木長脫身得西走麻

鞋見天子衣袖露兩肘朝廷愍生還親故傷老醜涕淚

受拾遺流離主恩厚柴門雖得去未忍卽開口寄書問

三川不知家在不比聞同罹禍殺戮到雞狗山中漏茅

屋誰復依戶牖摧頽蒼松根地冷骨未朽幾人全性命

盡室豈相偶嶽岑猛虎場鬱結迴我首自寄一封書今

已十月後反畏消息來寸心亦何有漢運初中興生平

老耽酒沈思歡會處恐作窮獨叟

潼關在今陝西同州府華陰縣東北東周時屬晉曰

桃林塞後周為潼谷關唐立潼關關西一里有潼水

因名麻鞋王獻之謂之子夏商以草為屨左氏曰屏

屨也至周以麻為之謂之麻鞋貴賤通著拾遺武

后置左右各一人掌供奉諷諫未忍開口時公已

有請急之意。案官員給假為請急晉令急假者五

日一急一歲以六十日為限三川在鄜州南六十

里。以華池水黑源水洛水同會故曰三川公於天

實十四載十一月省家奉先遂居鄜州十五載五月

自奉先遷白水六月又自白水遷鄜州嶽岑山高

峻貌鬱結憂也祿山反後京畿鄜坊所在寇奪故

以家罹禍患為憂。坊州今鄜州中縣是

十箇月也。中興陸德明釋左傳序曰中

丁仲反音眾理當興也前人俱作眾音

士寺二

亦以樸勝詞旨深厚卻非元白率意可比反畏消息
來二語妙在反接若云不見消息來意淺薄矣作詩
須如此用筆然非喪亂
身經不知此語之確

羗村三首

鄭州圖經州治洛交縣羗村洛交村墟
公家所在房瑄罷相公上疏論諫帝
怒詔三司推問宰相張鎬救之獲
免八月放還鄜省家此到家時作

崢嶸赤雲西日脚下平地柴門烏雀噪歸客千里至妻

孥怪我在驚定還拭淚世亂遭飄蕩生還偶然逐鄰人

滿牆頭感歎亦歔歔夜闌更秉燭相對如夢寐

晚歲迫偷生還家少歡趣嬌兒不離膝畏我復卻去憶

昔好追涼故繞池邊樹蕭蕭北風勁撫事煎百慮賴知

禾黍收已覺糟牀注如今足斟酌且用慰遲暮

林語

憶昔者公自白水遷鄜在天寶十五載六月自鳳
翔歸鄜為至德二載閏八月矣糟牀酒醱也

羣雞正亂叫客至雞鬪爭驅雞上樹木始聞叩柴荆父

老四五人問我久遠行手中各有攜傾榼濁復清苦辭

酒味薄黍地無人耕兵革既未息兒童盡東征請為父

老歌艱難愧深情歌罷仰天歎四座涕縱橫

榼酒器

苦盍切

苦辭四句代述父老語請為
二句自述收二句主客都在

此語從真性情流出故足感發人心
此便是魏漢三百篇一家的髓傳也

北征公家鄜州在鳳翔東北
自鳳翔歸鄜故云北征

皇帝二載秋閏八月初吉杜子將北征蒼茫問家室維

士寺上

士

時遭艱虞朝野少暇日。顧慙恩私被。詔許歸蓬華。拜辭
詣闕下。怵惕久未出。雖乏諫諍姿。恐君有遺失。君誠中
興主。經緯固密勿。東胡反未已。臣甫憤所切。揮涕戀行
在道途。猶恍惚。乾坤含瘡痍。憂虞何時畢。靡靡踰阡陌。
人煙眇蕭瑟。所遇多被傷。呻吟更流血。回首鳳翔縣。旌
旗晚明滅。前登寒山重。屢得飲馬窟。邠郊入地底。涇水
中蕩滈。猛虎立我前。蒼崖吼時裂。菊垂今秋花。石戴古
車轍。青雲動高興。幽事亦可悅。山果多瑣細。羅生雜橡
栗。或紅如丹砂。或黑如點漆。雨露之所濡。甘苦齊結實。
緬思桃源內。益歎身世拙。坡陀望鄜時。巖谷互出沒。我

曲所沈至

指同居者

指居者

一路敘述用無

比上幽境

行已水濱我僕猶木末。鳴臬鳴黃桑。野鼠拱亂穴。夜深
經戰場。寒月照白骨。潼關百萬師。往者散何卒。遂令半
秦民。殘害為異物。况我墮胡塵。及歸盡華髮。經年至茆
屋。妻子衣百結。慟哭松聲迴。悲泉共幽咽。平生所嬌兒
顏色白。勝雪見耶背。面啼垢膩脚不襪。牀前兩小女。補
綴才過膝。海圖拆波濤。舊繡移曲折。天吳及紫鳳。顛倒
在短褐。老夫情懷惡。數日臥嘔泄。那無囊中帛。救汝寒
凜慄。粉黛亦解包。衾裯稍羅列。瘦妻面復光。癡女頭自
櫛。學母無不為。曉妝隨手抹。移時施朱鉛。狼藉畫眉澗。
生還對童稚。似欲忘飢渴。問事競挽鬚。誰能卽。曠喝翻

幅○旅○行○書○圖

隨○手○寫○出○俱○作○奇○文

此○老○亦○善○詠○話○乃○兩○極○情○盡○致

思在賊愁甘受雜亂。既新歸且慰意。生理焉得說。至尊

家八國。尚蒙塵。幾日休練卒。仰觀天色改。坐覺妖氛豁。陰風西

北來。慘澹隨回紇。其王願助順。其俗善馳突。送兵五千

人。驅馬一萬匹。此輩少為貴。四方服勇決。所用皆鷹騰。

破敵過箭疾。聖心頗虛佇。時議氣欲奪。伊洛指掌收。西

京不足拔。官軍請深入。蓄銳伺俱發。此舉開青徐。旋瞻

略恒碣。昊天積霜露。正氣有肅殺。禍轉亡胡歲。勢成擒

胡月。胡命其能久。皇綱未宜絕。憶昨狼狽初。事與古先

別。姦臣竟菹醢。同惡隨蕩析。不聞夏殷衰。中自誅姦。本

褒。周漢獲再興。宣光果明哲。桓桓陳將軍。仗鉞奮忠

烈微爾人盡非。於今國猶活。淒涼大同殿。寂寞白獸闈。

都人望翠華。佳氣向金闕。園陵固有神。灑掃數不缺。煌

煌太宗業。樹立甚宏達。

初吉朔日也。密勿猶黽勉。東胡謂安慶緒時祿

山已為慶緒所殺。行在天子以四海為家。謂所居

府。即行在所。靡靡猶遲遲。鳳翔縣今隸陝西鳳翔

入地底正顯四面之高。涇水發源涇陽東南流。邠

州界至高陵入渭詳前。蕩滌流動也。滌允律切。邠

橡栗樂實也。似栗而小。桃源晉陶潛作桃花源記

謂秦人避亂於此。遂與世絕。今湖南常德府桃源縣

有桃源山。南有洞。謂卽潛所記處。邠時在今邠州

秦文公夢黃蛇。口止於郵。作郵時郊。祀白帝。鼠拱

廳。鼠暖則坐穴。口見人交前。兩足於頸。拱立如揖。乃

窟。入穴。淮南子謂聖人師拱鼠。制禮是也。師散何

卒。天寶十五載六月。哥舒翰率兵出關。次靈寶縣。之

西原為賊所乘。自相蹂躪。墜黃河死者數萬人。靈

土寺上

三

寶今屬河南陝州
落為衣號曰百結
結也虎身人面
伯也綴為豎衣故拆移而顛倒也
繡補那何也豎衣故拆移而顛倒也
不得那何也豎衣故拆移而顛倒也
即不那何也豎衣故拆移而顛倒也
紇回紇其先匈奴初曰袁紇亦曰烏紇至隋始稱回
紇姓藥葛羅氏元魏時號高車部唐初為救勒諸部
後屬突厥突厥亂襲破之遂自稱可汗至德元載遣
其太子業護率兵助國討賊肅宗賜宴甚厚命廣平
王約為兄弟此古法也
伊人兩馬此古法也
一水出今河南陝州盧氏縣熊耳山至河南南
府偃師縣入洛水出今陝西商州雒南縣南
山至河南府鞏縣入河
屬河南道今青州府隸山東徐州府隸江蘇
也淮南子兵訓篇攻城略地莫不降下
山俱屬燕指安賊巢穴略地莫不降下
元宗去國○狼

狽獸名生子或一足二足者相附而行離則顛故狽
遠謂之狼狽同惡謂國忠諸楊
雙妾衰嬖殷紂嬖妾已也
殷此宜作妹姪喜夏所嬖
也皆中與之主以比肅宗桓桓武貌周宣漢光武
元禮也元宗幸蜀至馬嵬驛左龍武大將軍陳元禮
整比六軍以從以禍由國忠欲誅之會吐蕃使者遮
國忠馬訴無食軍士呼曰國忠欲誅之會吐蕃使者遮
出驛門令收隊不應元禮對曰國忠欲誅之會吐蕃使者遮
供奉願陛下割恩正法上令力士引貴妃於佛堂縊
殺之時年三十八○馬嵬在陝西西安府與平縣
西亂既作唯賞罰當則再振元禮首議誅國忠貴妃
禍亂既作唯賞罰當則再振元禮首議誅國忠貴妃
無此舉雖有李郭不能奏功故以活國許之忠貴妃
殿在內與慶宮勤政樓之北
門未央宮有白虎殿唐避太祖諱改為獸闈即白虎殿
尚為賊據翠華司馬相如林賦建翠華之旗
佳氣鬱鬱蔥蔥王莽使至南陽遙望春陵郭喈曰氣
之後灑掃園陵數數可以不言收京

通首分五段歸省家入本事也。回念國事本心也。第一段敘清還郵事蹟。內顧則思家。陛辭則戀主。私誼公忠。一時並露。第二段詳敘歸途景物。可悲可喜。偏能閒處傳神。第三段述到家景况。俗情妙語。千載如生。而翻思四語。忽然借徑搭入國事。是下半轉關處。第四段撥家計而憂國恤。深以速收京闕直擣賊巢為望。正當時反正之急務。第五段追述上皇聖斷。預卜新主中興。為通篇大歸宿。然勢仍了而不了。所謂篇終接混茫也。

赴奉先及北征。肝腸如火。涕淚橫流。讀此而不感動者。其人必不忠。孫莘老嘗謂老杜北征詩勝退之。南山王平甫以為南山勝北征。終不能相服。時山谷尚少。乃曰。若論工巧。則北征不及南山。若書一代之事。與國風雅頌相為表裏。則北征不可無。而南山雖不作。未害也。

彭衙行。今陝西同州府白水縣漢彭衙縣地。彭衙所居。公去歲自白水往鄜州。會經留宿。意還鄜時。路經彭衙。西追憶欵洽之情。未能枉道相訪。作此

寄謝非紀

行詩也。

通首避敵初北走經險艱夜深彭衙道月照白水山盡

憶昔避賊初北走。經險艱夜深彭衙道。月照白水山。盡室久徒步。逢人多厚顏。參差谷鳥吟。不見遊子還。癡女飢齧我。啼畏虎狼聞。懷中掩其口。反側聲愈曠。小兒強解事。故索苦李餐。一旬半雷雨。泥濘相牽攀。既無禦雨備。徑滑衣又寒。有時經契濶。竟日數里間。野果充餼糧。卑枝成屋椽。早行石上水。暮宿天邊煙。小留同家窪。欲出蘆子關。故人有孫宰。高義薄曾雲。延客已曠黑。張燈啟重門。煖湯濯我足。翦紙招我魂。從此出妻孥。相視涕闌干。衆雛爛漫睡。喚起霑盤飧。誓將與夫子。永結為弟

昆。遂空所坐堂。安居奉我歡。誰肯艱難際。豁達露心肝。

別來歲月周。胡羯仍構患。何常有翅翎。飛去墮爾前。

北走者。廊在白水縣。北故云。白水。源出今陝西。洮

州廳西。傾山水色白。濁縣因以名。契濶見前。蘆

子關在今陝西。延安府安塞縣。更在彭衙之北。相去

甚遠。是達靈武之路。招魂。古人專施於死者。按

楚詞。招魂。章句。王叔師以為宋玉哀屈原忠而斥棄

恐其魂魄放佚。厥命將落。故作招魂。太史公以為屈

子作林西神。又曰。招魂。自招。大昭。招懷王。

闕下。淚墮多貌。誓將二句。代述孫幸語。

合六韻。於一篇。乃用古韻。非叶也。

贈衛八處士

人生不相見。動如參與商。今夕復何夕。共此燈燭光。少

壯能幾時。鬢髮各已蒼。訪舊半為鬼。驚呼熱中腸。焉知

二十載。重上君子堂。昔別君未婚。兒女忽成行。怡然敬

父執。問我來何方。問答乃未已。驅兒羅酒漿。夜雨翦春

韭。新炊間黃粱。主稱會面難。一舉累十觴。十觴亦不辭。

感子故意長。明日隔山岳。世事兩茫茫。

參商見前。黃梁楚詞。招魂篇。稻梁稱麥。挈黃梁些。注挈。糝也。按此詩問字。即挈字之義。本草黃梁。香美

逾於諸梁。無句不關人情之至。情

景逼真。兼極頓挫之妙。

新安吏。原注。收京後。作雖收兩京。賊猶充斥。以

下五詩。皆言相州。師潰後。事至德二載。九

月。收復西京。十月。收復東京。十一月。公自鄜州。至

西京。任左拾遺。乾元元年。六月。出為華州司功。冬

晚。離官。間至東京。二年。春。自東京回華州。此乃回

華州。道途所經。次感事而作。新安縣。今屬河南

北寺。二

河南府相州見本詩注東京今河南府也華州今屬陝西同安府

客行新安道喧呼聞點兵借問新安吏縣小更無丁府

帖昨夜下次選中男行中男絕短小何以守王城肥男

有母送瘦男獨伶俜白水暮東流青山猶哭聲莫自使

眼枯收汝淚縱橫眼枯即見骨天地終無情我軍收相

州日夕望其平豈意賊難料歸軍星散營就糧近故壘

練卒依舊京掘壕不到水牧馬役亦輕况乃王師順撫

養甚分明送行勿泣血僕射如父兄

更無丁言豈無餘丁乎中男唐制人有了中黃小
之分始生為黃四歲為小十六為中二十為丁天寶
三載令民十八以上為中男二十三以上成丁王
城唐之東京即周之王城肥瘦者就中男中看出

兩種有母則肥無母則瘦言天地不言朝廷諱之

也河南彰德府是星散謂零散也乾元元年十月九

節度圍鄴自冬涉春慶緒食盡克在朝夕而諸軍無

所統帥上下解體三月戰於安陽河北大風晝晦官

軍潰而南賊潰而北子儀用都虞侯張用濟策以朔

方軍斷河陽橋保東京築南北兩城守之舊京東

京也掘牧皆言子儀留守之事僕射謂子儀也

至德二載四月子儀敗於潯水詣闕請貶從司空降

為左僕射按子儀在乾元初已進位中書令此復稱

僕射者本相州之潰舉其

初貶之官亦春秋書法也

先以惻隱動其君上後以恩誼勉其丁男仁

至義盡此山谷所云論詩未覺國風遠也

潼關吏此因相州敗

後築以備寇

士卒何草草築城潼關道大城鐵不如小城萬丈餘借

問潼關吏修關還備胡要我下馬行為我指山隅連雲

士寺上

七

下八句皆設為關吏語
列戰格飛鳥不能踰胡來但自守豈復憂西都丈人視
要處窄狹容當車艱難奮長戟千古用一夫哀哉桃林
戰百萬化為魚請屬防關將慎勿學哥舒

草草勞苦貌還備胡者在失守後故曰還戰格
即戰柵所以捍敵西都長安也一夫左思三都
賦一夫守隘萬夫莫向桃林自靈寶以西至潼關
皆是詳前所述懷詩注哥舒哥舒翰也靈寶之敗詳
前北征詩注勿學哥舒見守關在得人

石壕吏石壕石壕鎮也在今河南陝州城東七十里

暮投石壕村有吏夜捉人老翁踰牆走老婦出看門吏
呼一何怒婦啼一何苦聽婦前致詞三男鄴城戍一男
附書至二男新戰死存者且偷生死者長已矣室中更

無人惟有乳下孫有孫母未去出入無完裙老嫗力雖
衰請從吏夜歸急應河陽役猶得備晨炊夜久語聲絕
如聞泣幽咽天明登前途獨與老翁別

河陽役詳見前新安吏詩注
三吏兼問答敘事三別則純託為送者行者之詞並是古樂府化境

新婚別

兔絲附蓬麻引蔓故不長嫁女與征夫不如棄路傍結
髮為君妻席不暖君牀暮婚晨告別無乃太怱忙君行
雖不遠守邊赴河陽妾身未分明何以拜姑嫜父母養
我時日夜令我藏生女有所歸雞狗亦得將君今往死

地沈痛迫中腸。誓欲隨君去。形勢反蒼黃。勿爲新婚念。
努力事戎行。婦人在軍中。兵氣恐不揚。自嗟貧家女。久
致羅襦裳。羅襦不復施。對君洗紅妝。仰視百鳥飛。大小
必雙翔。人事多錯逆。與君永相望。

兔絲草名。卑雅在木爲女。蘿在草爲兔絲。此言兔
絲當施松柏。今附蓬麻。故引蔓不長也。嬖通章師
古漢書注。尊章謂姑舅。夢弼曰。婦人嫁三日告廟
上墳。謂之成婚禮。既明然後稱姑。嬖今嫁未成婚
而別其何以稱之也。嬖按姑嬖應作尊章。將養也
蒼黃與倉皇同。兵氣史記李陵傳。我士氣少衰
而鼓不起者。何也。軍中豈有女子乎。搜得皆斬之
錯逆交雜也。逆疑古切。永相望。終望相聚也。
通首作送者之詞。比體起。比體結。既勉其
夫。且復自勵。所謂發乎情。止乎禮義者也。

垂老別

四郊未甯靜。垂老不得安。子孫陣亡盡。焉用身獨完。
杖出門去。同行爲辛酸。幸有牙齒存。所悲骨髓乾。男兒
既介冑。長揖別上官。老妻臥路啼。歲暮衣裳單。孰知是
死別。且復傷其寒。此去必不歸。還聞勸加餐。土門壁甚
堅。杏園度亦難。勢異鄴城下。縱死時猶寬。人生有離合。
豈擇衰盛端。憶昔少壯日。遲迴竟長歎。萬國盡征戍。烽
火被岡巒。積屍草木腥。流血川原丹。何鄉爲樂土。安敢
尙盤桓。棄絕蓬室居。場然摧肺肝。

長揖不拜也。漢書周亞夫傳。亞夫持兵揖曰。介冑之
士不拜。土門未詳。舊引獲鹿縣之土門。關非是。
杏園。衛州汲縣有杏園鎮。
衛州今河南衛輝府。

別上官以上敘出門時慷慨前往之狀勸加餐以上
敘臨別時夫婦繾綣之情土門四句寬解其妻人生
以下又自為寬解而終之以
決絕通首皆行者之詞也

無家別

寂寞天寶後園廬但蒿藜我里百餘家世亂各東西存
者無消息死者為塵泥賤子因陣敗歸來尋舊蹊久行
見空巷日瘦氣慘悽但對狐與狸豎毛怒我啼四鄰何
所有一二老寡妻宿鳥戀本枝安辭且窮棲方春獨荷
鋤日暮還灌畦縣吏知我至召令習鼓鞀雖從本州役
內顧無所攜近行止一身遠去終轉迷家鄉既盡遠
近理亦齊永痛長病母五年委溝谿生我不得力終身

兩酸嘶人生無家別何以為丞黎

陣敗當即指鄴城之潰詳見前新安吏詩注日
瘦謂日色無光丞黎書黎民詩丞民皆訓衆也
雖從本州役下六句其有三層轉折言雖從役本州
內顧而無與離別則已傷矣若復迫之遠去又知埋
骨何所此所以終轉迷也然總是無家遠與近正自
無異亦不論遠近矣語若曠達而情則愈悲亦行
者之詞

佳人此感實有之事以寓寄慨之情

絕代有佳人幽居在空谷自云良家子零落依草木關
中昔喪敗兄弟遭殺戮官高何足論不得收骨肉世情
惡衰歇萬事隨轉燭夫婿輕薄兒新人美如玉合昏尚
知時鴛鴦不獨宿但見新人笑那聞舊人哭在山泉水

清○出○山○泉○水○濁○侍○婢○賣○珠○迴○牽○蘿○補○茅○屋○摘○花○不○插○鬢

采○栢○動○盈○掬○天○寒○翠○袖○薄○日○暮○倚○修○竹

輕薄者以兄弟既喪遂爾見棄其輕薄不亦甚乎
合昏合歡也花晨舒暮合在山出山喻守正清改

節濁不插鬢誰適為
容也采栢愛其貞也

結處祇用寫景不更着議論清
潔真正隱然言外詩格最超

夢李白二首

李白臥廬山永王璘反迫致之璘敗
璘事長流夜郎至巫山以赦得還此流夜郎後
事廬山在今江西南康府潯陽今江西九江府夜
郎今貴州

貴陽府

死○別○已○吞○聲○生○別○常○惻○惻○江○南○瘴○癘○地○逐○客○無○消○息○故
人○入○我○夢○明○我○長○相○憶○恐○非○平○生○魂○路○遠○不○可○測○魂○來

楓○林○青○魂○返○關○塞○黑○君○今○在○羅○網○何○以○有○翳○翼○落○月○滿
屋○梁○猶○疑○照○顏○色○水○深○波○浪○濶○無○使○蛟○龍○得

君今二句疑其非落月二句又信其是自潯陽
至夜郎當泛洞庭上峽江故屢以風波為慮

浮○雲○終○日○行○遊○子○久○不○至○三○夜○頻○夢○君○情○親○見○君○意○告

歸○常○局○促○苦○道○來○不○易○江○湖○多○風○波○舟○楫○恐○失○墜○出○門

搔○白○首○若○負○平○生○志○冠○蓋○滿○京○華○斯○人○獨○顛○頓○孰○云○網

恢○恢○將○老○身○反○累○千○秋○萬○歲○名○寂○寞○身○後○事

局促小貌恢恢大也老
子天網恢恢疎而不漏

告歸六句代述夢中心事曲盡倉皇悲憤情狀以下
公為白感歎是醒後語是魂是人是真是夢都覺

恍惚無定親情苦意無
不備極真得屈騷之神

鳳凰臺

原注山峻人不至高頂。在同谷縣東南十里同谷今甘肅階州成縣

亭亭鳳凰臺。北對西康州。西伯今寂寞。鳳凰亦悠悠。山峻路絕縱。石林氣高浮。安得萬丈梯。爲君上上頭。恐有無母雛。飢寒日啾啾。我能剖心血。飲啄慰孤愁。心以當竹實。炯然無外求。血以當醴泉。豈徒比清流。所重王者瑞。敢辭微命休。坐看綵翮長。舉意八極周。自天銜瑞圖。飛下十二樓。圖以奉至尊。鳳以垂鴻猷。再光中興業。一洗蒼生憂。深衷正爲此。羣盜何淹留。

西康州唐武德初置貞觀初廢爲同谷縣屬成州西伯文王也時鳳鳴岐山是臺非岐山鳴處特因鳳聲觸發早逗出下文注想太平之意無母雛喻賢人未得主者竹實醴泉鳳凰非此不食飲也

銜瑞圖黃帝遊洛水上鳳凰銜圖置帝前十二樓漢時方士言黃帝爲五城十二樓候神人鴻猷晉隆安中鳳凰集劉穆之庭韋藪謂曰子必協贊鴻猷此公欲舍命薦賢以致太平因所歷而有感也想入非非要只是鳳臺本地風光亦只是杜老生平血性宗感良娣戍諸子發非

草堂

廣德二年嚴武再鎮蜀公復歸成都

昔我去草堂。蠻夷塞成都。今我歸草堂。成都適無虞。請陳初亂時。反覆乃須臾。大將赴朝廷。羣小起異圖。中宵斬白馬。盟歃氣已麤。西取邛南兵。北斷劍閣隅。布衣數十人。亦擁專城居。其勢不兩大。始聞蕃漢殊。西卒卻倒戈。賊臣互相誅。焉知肘腋禍。自及梟獍徒。義士皆痛憤。

紀網亂相踰。一國實三公。萬人欲為魚。唱和作威福。孰肯辨無辜。眼前列柵械。背後吹笙竽。談笑行殺戮。濺血滿長衢。到今用鉞地。風雨聞號呼。鬼妾與鬼馬。色悲充爾娛。國家法令在此。又足驚吁。賤子且奔走。三年望東吳。弧矢暗江海。難為遊五湖。不忍竟舍此。復來雜榛蕪。八門四松在。步屨萬竹疎。舊犬喜我歸。低徊入衣裾。鄰里喜我歸。沽酒攜胡盧。大官喜我來。遣騎問所須。城郭喜我來。賓客隘邨墟。天下尚未甯。健兒勝腐儒。飄飄風塵際。何地置老夫。於時見疣贅。骨髓幸未枯。飲啄愧殘生。食薇不願餘。

蠻夷代宗寶應元年秋徐知道糾集蠻夷為亂大將羣小謂嚴武內召知道遂反也白馬史記蘇秦傳會於涇水之上通質刻白馬為盟邛南兵即下西卒蓋此本內附羌夷知道引之為亂邛今四川邛州在成都西南二百里劍閣大劍山在劍州界其北三十里有小劍山連山絕險飛閣通衢故謂之劍閣其山如門之闕如劍之植又曰劍門○時知道以兵守要害劍閣在成都北故曰北斷劍州今屬四川保甯府布衣指從授偽職者不兩大見左傳莊二十二年肘腋禍晉書江統曰寇發心腹禍起肘腋自及者知道本西川兵馬使漢兵是其統領乃脅誘羌夷共反繼而賊徒爭長羌兵不附其下李忠厚因而殺之故云梟鳥也食母破鏡獸也食父按鏡通作鏡為魚史記項霸傳今人為刀俎我為魚肉三年至反於用鉞謂之極械謂之梟梟為三年者知道反後公往來梓閬者三年屢欲東遊不果○梓州今四川潼州府閬州今四川保甯府五湖史記正義菱湖游湖莫湖貢湖胥湖皆太湖東岸

五灣虞翻曰太湖東通松江南通雲溪西通荆溪北
通潏溪東南通非溪凡五道別謂之五湖胡盧壺
盧也可以貯酒陸士衡初入洛詣劉道真劉嗜酒亟
問東吳有長柄壺盧將種來否疋贅贅瘡也莊子
彼以生為附贅懸癩○以比不為世用不願餘心
解偶評皆作不敢餘惟鏡銓敢作願愚謂願勝言食
薇外無他願也

送重表姪王砮評事使南海

時李勉為嶺南節度觀察使王當奉使入

幕○唐嶺南道治南海今廣東廣州府是砮音冰又音厲

○傳○志○誌○作○詩○真○大○手○筆
我之曾老姑爾之高祖母爾祖未顯時歸為尚書婦隋
朝大業末房杜俱交友長者來在門荒年自餬口家貧
無供給客位但箕帚俄頃羞頗珍寂寥人散後入怪鬢
髮空吁嗟為之久自陳翦髻鬢市鬻充杯酒上云天下

○云○猶○先○曰○後○曰○上○次○下○猶○前○中○後○也○此○少○年○
亂宜與英俊厚向竊窺數公經綸亦俱有次問最少年

虬髯十八九子等成○大名皆因此人手下云風雲合龍

虎一吟吼願展丈夫雄得辭兒女醜秦王時在坐真氣

驚戶牖及乎貞觀初尚書踐台斗夫人常肩輿上殿稱

萬壽六宮師柔順法則化妃后至尊均嫂叔盛事垂不

朽鳳雛無凡毛五色非爾曹往者胡作逆乾坤沸嗽嗽

吾客左馮翊爾家同遁逃爭奪至徒步塊獨委蓬蒿逗

畱熱爾腸十里卻呼號自下所騎馬右持腰閒刀左牽

紫遊韁飛走使我高苟活到今日寸心銘佩牢亂離又

聚散宿昔恨滔滔水花笑白首春草隨青袍廷評近要

津海節制收英髦北驅漢陽傳南汎上瀧躬家聲肯墜地
利器當秋毫番禺親賢領籌運神功操大夫出盧宋寶
貝休脂膏洞主降接武海胡舶千艘我欲就丹砂跋涉
覺身勞安能陷糞土有志乘鯨鼈或驂鸞騰天聊作鶴
鳴臯

尚書應指王珪珪為禮部尚書房杜元齡如晦也
珪始隱居與之友善長者指房杜輩剪髮晉
陶侃母翦髮易酒食為侃留賓此使其事以擬珪母
也按唐書珪母李嘗語珪曰而必貴但不知所與遊
者何如人會元齡如晦過其家李窺大驚救具酒食
喜曰二客公輔才汝貴不疑王珪母李非杜與詩
不合但貞觀時亦無他王姓踐台斗者少陵述曾祖
姑不應不實存以闕疑太宗虬髯起義兵時年十
入秦王即太宗真氣真人氣象也所謂龍鳳之姿
天日之表非爾曹猶云非爾曹乎胡指祿山

左馮翊今陝西同州府天寶末公避寇同州奉先縣
十里句謂相去十里反而呼號相救也白首公
自謂青袍謂砥廷評漢宣帝於廷尉置左右評
員四人魏晉以來直謂之廷尉評節制謂李勉
漢陽今隸湖北傳傳車也時王必先有事漢陽
三百斛船也三龍水在今韶州府昌樂縣西六十里
番馬今屬廣東廣州府李勉乃宗室故曰親賢
出盧宋言出其上自開元四十年廣州節度使清
白者四裴仙先李朝隱宋璟盧奐也寶貝木華海
賦積太顛之寶貝脂膏中不能自潤○姑臧漢縣今甘
肅涼州府地洞主海胡二句馮崇道朱濟時阻洞
為亂李勉遣將悉斬之五嶺平先是西域船泛海至
者歲才四五勉性廉潔舶來都不檢閱末年至者四
十餘丹砂晉葛洪聞交趾出丹砂求為句漏令至
廣州止羅浮山煉丹冀土司馬遷書隱忍苟活函
冀土之中驂鸞云者因交趾出丹砂
故以遊仙作結亦寓相從而去之情
前段不遇敘中表戚耳忽具一部開國大掌故自往
者以下祗是亂離相依僕馬瑣悉之務卻無端委轉

杜詩上

唐

折可尋胸中潦倒筆下淋漓非獨詩法之奇即作一篇極奇文字看亦可

題衡山縣文宣王廟新學堂呈陸宰縣屬今湖南衡州府開元

二十七年諡孔子文宣王

旄頭彗紫微無復俎豆事金甲相排蕩青衿一憔悴嗚呼已十年儒服敝於地征夫不遑息學者淪素志我行洞庭野歛得文翁肆侏侏胄子行若舞風雲至周室宜中興孔門未應棄是以資雅才煥然立新意衡山雖小邑首唱恢大義因見縣尹心根源舊宮闕講堂非曩構大屋加塗暨下可容萬人牆隅亦深邃何必三千徒始壓戎馬氣林木在庭戶密幹疊蒼翠有井朱夏時轆轤

凍階。耳聞讀書聲。殺伐災髣髴。故國延歸望。衰顏減

愁思。南紀改波瀾。西河其風味。采詩倦跋涉。載筆尙可

記。高歌激宇宙。凡百慎失墜。

旄頭昂為旄頭胡星也指安史言彗掃也金甲句謂武夫放恣文翁肆者漢文翁為蜀守立講堂肆即書肆講肆之肆文翁肆者漢文翁為蜀守立講堂塗暨泥飾也轆轤圓轉木用以汲水髮髣髴作稀微將止之義解謂一聞書聲而殺氣衰息南紀見詩小雅又新唐書天文志以天下山河為兩戒北戒自三危積石終南負地絡之陰東及太華踰河並雷首底柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東極太華連商山熊耳外方桐栢自達東甌閩中是謂南紀所以限蠻夷也西河孔子沒子夏居西河教授為文侯師西河魏地自高陵以東盡河東河內今高陵縣屬陝西西安府

首段廢學之由。次段喜其重新。三段實敘興學之地。與其人。四段見文敘之興。足銷兵氣。未總束全篇。而以作詩警後意作結。○延歸始念也。今見此文教奮興。不覺愁減而樂處矣。

七言古詩

兵車行

元宗季年窮兵吐蕃徵戍繹騷內郡

車麟麟馬蕭蕭行人弓箭各在腰耶孃妻子走相送塵

埃不見咸陽橋牽衣頓足攔道哭哭聲直上干雲霄道

傍過者問行人行人但云點行頻或從十五北防河便

至四十西營田去時里正與裏頭歸來頭白還戍邊邊

亭流血成海水武皇開邊猶未已君不聞漢家山東二

百州千邨萬落生荆杞縱有健婦把鋤犁禾生隴畝無

東西况復秦兵耐苦戰被驅不異犬與雞長者雖有問

役夫敢伸恨且如今年冬未休關西卒縣官急索租租

稅從何出信知生男惡反是生女好生女猶得嫁比鄰

生男埋沒隨百草君不見青海頭古來白骨無人收新

鬼煩冤舊鬼哭天陰雨濕聲啾啾

咸陽橋即西渭橋在咸陽縣西南與西便門對亦曰便橋防河者舊唐書開元十五年制吐蕃為邊害徵隴右河西兵集臨洮湖方兵集會州防秋至冬初無寇而罷臨洮見前會州今甘肅慶陽府環縣營田者唐制開軍府以捍要衝因隙地以置營田有警則以軍若夫千人助役里正唐制凡百戶為一里里置正一人成海水謂血流入青海而為水也武皇託漢武以諷也君指過者山東太行山以東也唐都長安河北諸道皆為山東十道四蕃志關以東七道凡二百一十七州被驅指今點行

杜詩止

卷

者言敢不敢也關西即隴外縣官指天子史
記索隱曰謂國家為縣官者畿內縣即國都王者官
天下故曰官也青海在吐谷渾周圍八九百里高
宗龍朔三年為吐蕃所并開元中王君奭張景順張
忠亮崔希逸皇甫維明王忠嗣先後破吐蕃皆在青
海西按青海在鄯州鄯州魏置今甘肅西甯府是
新舊鬼見
左傳文二年
弊中國以邀邊功農桑廢而賦斂益急不待祿山作
逆山東已有土崩之勢矣况畿輔根本亦空虛如是
一朝有事誰與守耶借漢以喻唐借山東以切關西
尤得體縱筆所之猶龍天矯足以驚風雨而泣鬼神

麗人行困學紀聞王無功三月三日賦聚三都之麗人杜語本此

三月三日天氣新長安水邊多麗人態濃意遠淑且真
此言天姿之美此下言服飾之麗
肌理細膩骨肉勻繡羅衣裳照暮春蹙金孔雀銀麒麟

頭上何所有翠為釵葉垂鬢脣背後何所見珠壓腰極

穩稱身就中雲幕椒房親賜名大國號與秦紫駝之峰

出翠釜水晶之盤行素鱗犀筋饜飫久未下鸞刀縷切

空紛綸黃門飛鞚不動塵御廚絡繹送八珍簫管哀吟

感鬼神賓從雜還實要津後來鞍馬何逡巡當軒下馬

入錦茵楊花雪落覆白蘋青鳥飛去銜紅巾炙手可熱

勢絕倫慎莫近前丞相瞋

多麗人者元宗每幸華清宮國忠姊妹五家扈從每
家為一隊各為一色衣以相別五家合隊粲若雲錦
遺鈿墜鳥瑟瑟珠翠燦爛芳馥於路其從幸華清如
此度上已修禊亦必爾也淑真美德也反言以刺
之匊葉婦人頭花髻飾也髮脣鬢邊也極衣
後裾也雲幕謂帝居漢成帝設雲帷雲帳雲幕於

杜詩止

天

甘泉殿椒房殿在未央宮以椒和泥塗壁謂后居
號秦者楊妃姊三人皆有才貌並封國夫人長韓
國三號國八秦國駝峰者大月氏出一峰橐駝脊
上有一封高如封土然衣冠家名食有將軍曲良翰
能為駝峰炙水晶盤一枚犀筋飛燕外傳飛燕始加
獻縹緗水精盤各一犀筋雙鸞刀見禮郊特牲
大號婕妤好文犀辟毒筋二雙鸞刀見禮郊特牲
刀鑲有鈴故名黃門漢書注禁中黃門謂奄人在
內給事者逸巡句見賓從伺候之多當軒句見
旁若無人象亦指斥其男女無別楊花青鳥二
句皆隱語樂府楊白花歌曰楊花飄蕩落南家又曰
願銜楊花入窠裏俱胡太后淫辭用之亦以詆諷楊
氏青鳥者漢武內傳七月七日上齋居承華殿忽青
鳥從西來集殿前東方朔曰此西王母欲來也丞
相天寶十載以歐陽文忠言春秋之義痛之深則詞益隱子般卒是
國忠為右相也刺之切則旨益微君子偕老是也此詩實與美目
巧笑象掃縵絺同旨詩至老杜乃可與風雅代興耳
○無一刺譏語描摹處語語刺譏無一慨嘆聲點逗

處聲聲
慨嘆

樂遊園歌

原注晦日賀蘭楊長史筵醉中作○漢
神爵三年起樂遊苑在杜陵西北亦
曰樂遊原兩京新記太平公主於原上置亭遊賞
每正月晦日三月三日九月九日士女咸卽此祓
禊登高詞人樂飲歌
詩翌日傳於都市

樂遊古園萃森爽。煙絲碧草萋萋長。公子華筵勢最高。

秦川對酒平如掌。長生木瓢樂真率。更調鞍馬狂歡賞。

青春波浪芙蓉園。白日雷霆夾城仗。閨闔時開誅蕩蕩。

曲江翠幙排銀榜。拂水低回舞袖翻。綠雲清切歌聲上。

卻憶年年人醉時。只今未醉已先悲。數莖白髮那拋得。

百罰深杯亦不辭。聖朝已知賤士醜。一物自荷皇天慈。

杜詩上

阮

此身飲罷無歸處。獨立蒼茫自詠詩。

最高者原居京城之最高也。秦川一名樊川，即杜陵之樊鄉。樊噲食邑於此。長生木，晉稽含《有長生木賦》謂之芙蓉園。唐之南苑也。本隋離宮，在曲江西南。鑿池謂之芙蓉池。初名曲江園。隋文帝以曲名不正，詔改之。夾城開元二十年築。自大明宮達興慶宮，至曲江芙蓉園。此指明皇遊幸妙在渾含闈闔。天門也。曲江在杜陵西北五里。本秦隍州。又云本漢武帝所鑿。其水曲折似嘉陵江。因名。唐開元中，疏鑿為勝境。花卉環列，煙水明媚。遊賞盛於中和。上巳二節，禮音祈曲岸也。翠幙銀榜，北史姚萇張翠幙繡簾，挂金篆銀榜。聖朝知醜者言我當此聖朝賤士之醜，已自知也。物指酒猶陶公云：杯中物，荷天慈者謂天猶見憐假緣一飲也。此公獻賦召試，屢見擯斥。時所作極歡宴時，不勝身世之感。臨川蘭亭序所云：情隨事遷，感慨係之者也。

白絲行

繅絲須長不須白。所以須長越羅蜀錦金粟尺。所以不須白象牀玉手亂殷紅。

萬草千花動凝碧。已悲素質隨時染。裂下鳴機色相射。

美人細意熨貼平。裁縫滅盡鍼線迹。春天衣著為君舞。

蛺蝶飛來黃鸝語。落絮游絲亦有情。隨風照日宜輕舉。

香汗清塵汗顏色。開新合故置何許。君不見才士汲引

難。恐懼棄捐忍羈旅。

不須白有激之詞。喻奔競之徒，但希榮進，不須名節也。金粟當是尺上分寸之星。即墨子悲素絲意。細意熨貼滅盡鍼線，狀軟熟無骨。春天衣著輕舉污顏狀。因依喪已士人媚世，徒失其身。終歸棄置。故有志者甯守貧賤也。全首託興正意，只結處一點。

哀王孫

長安城頭頭白鳥。夜飛延秋門上呼。又向人家啄大屋。
屋底達官走避胡。金鞭折斷九馬死。骨肉不得同馳驅。
腰下寶玦青珊瑚。可憐王孫泣路隅。問之不肯道姓名。
但道困苦乞為奴。已經百日竄荆棘。身上無有完肌膚。
高帝子孫盡。隆準龍種自與常人殊。豺狼在邑龍在野。
王孫善保千金軀。不敢長語臨交衢。且為王孫立斯須。
昨夜東風吹血腥。東來橐駝滿舊都。朔方健兒好身手。
昔何勇銳今何愚。竊聞天子已傳位。聖德北服南單于。
花門剺面請雪恥。慎勿出口他人狙。哀哉王孫慎勿疎。
五陵佳氣無時無。

恐其相貌不凡為賊所得

頓挫

欲其深藏

愛溢於言表

頭白鳥侯景篡位令飾朱雀門其日有白頭鳥萬計
集於門樓童謠曰白頭鳥拂朱雀還與吳蓋以景
比祿山也延秋門長安志苑中宮亭凡二十四所
西面二門南曰延秋北曰元武○天寶十五載六月
九日潼關不守十二日凌晨上從延秋門出親王妃
主王孫之在外者皆委之而去至德元載七月祿山
使人殺霍國長公主王如駙馬等八十人又殺王孫
及郡主二十餘人九馬朱本作馬九○西京雜記
文帝自代來有良馬九匹號九逸乞為奴不許而死
遣柯令孫殺建安王子真叩頭乞為奴不許而死
音拙鼻也漢高帝隆準龍顏東來橐駝者祿山陷
兩京以橐駝運御府珍寶於范陽不知紀極舊都
長安也肅宗時在靈武故號長安為舊都朔方健
兒舊說皆指哥舒翰然潼關之敗在陷京前王孫久
已知之何必重述惟金聖嘆解云昨夜東風四句與
竊聞三句是以兩件好消息私說向王孫也朔方健
兒指倡亂者言彼健兒久聞好手乘勢席捲猝亦難
制乃昨夜風吹血腥卻是橐駝東來馱載寶物而去
志既在此勇銳盡矣此一快聞也下太子即位回紇

杜詩上

三

助顯又一快間金說為長何義門亦云此朔方謂幽
燕非朔方軍身手顏氏家訓頃世亂離衣冠之士
雖無身手或聚徒衆南單于漢書光武紀匈奴莫
鞬日逐王比自立為南單于○按肅宗即位九月南
幸彭原遣使與回紇和親二載二月其首領入朝南
單于當指回紇花門即回紇唐甘肅州甯寇軍東北
有居延海又北三百里有花門山堡又東北千里至
回紇衙帳務面割面也北俗有哀憤事割面流血
以示信獵伺伏也狙之伺物必伏而候之五陵
唐高祖葬獻陵太宗昭陵高宗乾陵中宗定陵睿宗
橋陵佳氣
猶瑞氣詳前

一韻到底波瀾變化層出不窮似
逐段轉韻者七古能事至斯已極

哀江頭

時作因帝與貴妃常幸此故以為題

少陵野老吞聲哭春日潛行曲江曲江頭宮殿鎖千門
細柳新蒲為誰綠憶昔霓旌下南苑苑中萬物生顏色

昭陽殿裏第一人同輦隨君侍君側輦前才人帶弓箭

白馬嚼齧黃金勒翻身向天仰射雲一笑正墜雙飛翼

明眸皓齒今何在血污遊魂歸不得清渭東流劍閣深

去住彼此無消息人生有情淚沾臆江草江花豈終極

黃昏胡騎塵滿城欲往城南望城北

少陵注見前江頭宮殿即南苑也曲江池入夏則
菰蒲葱翠柳陰四合蒲柳為曲江之勝而又適觸目
前故舉以寄慨南苑即芙蓉園詳前昭陽比貴
妃漢后趙飛燕寵少衰女弟絕幸為昭儀居昭陽殿
才人唐內官才人七人正四品墜翼明皇奢蕩
時事遊魂指貴如清渭身之所在渭水出首
陽又東北經渭城南渭城今陝西西安府咸陽縣是
劍閣心之所在詳見前去謂上皇住謂肅宗
在無消息公不知去住者之消息也城南公家所
在望北人謂向為望欲往城南乃向城北亦不能

杜詩上

三

記南北之意

詩意本哀貴妃不敢斥言故借江頭行幸處標為題
目黃昏一結憤賊而不咎其君詩人忠厚所由接三
百冠千古者以此又中開雙飛翼之下明眸皓齒之
上不攙入六軍不發宛轉馬前等語蘇黃門論此詩
謂若百金戰馬注坡驀澗如履平地正言此處也更
可識忠厚之遺其詞婉而雅其意微而有禮真可
謂得風人之旨者元白數十百言竭力
摹寫不若子美一句人才高下乃如此

洗兵馬

原注收京後作○時慶緒圍困官軍勢張
公在東都作此以鼓其氣多欣喜願望語
當在相州
未潰時

中興諸將收山東捷書夜報清晝同河廣傳聞一葦過
胡危命在破竹中祇殘鄴城不日得獨任朔方無限功
京師皆騎汗血馬回紇餒肉蒲萄宮已喜皇威清海岱

常思仙仗過崆峒三年笛裏關山月萬國兵前草木風

成王功大心轉小郭相謀深古來少司徒清鑒懸明鏡

尚書氣與秋天杳二三豪俊為時出整頓乾坤濟時了

東走無復憶鱸魚南飛覺有安巢鳥青春復隨冠冕入

紫禁正耐煙花繞鶴駕通宵鳳輦備雞鳴問寢龍樓曉

攀龍附鳳勢莫當天下盡化為侯王汝等豈知蒙帝力

時來不得誇身強關中既畱蕭丞相幕下復用張子房

張公一生江海客身長九尺鬚眉蒼徵起適遇風雲會

扶顛始知籌策良青袍白馬復何有後漢今皇喜再昌

寸地尺天皆入貢奇祥異瑞爭來送不知何國致白環

北詩二

卷

復道諸山得銀甕。隱士休歌紫芝曲。詞人解撰河清頌。
田家望望惜雨乾。布穀處處催春種。淇上健兒歸莫嬾。
城南思婦愁多夢。安得壯士挽天河。淨洗甲兵常不用。

山東見前。胡危者。乾元元年十月。郭子儀自杏園渡河。至獲嘉。破安太清。太清走保衛州。子儀進圍之。遣使告捷。魯炅季廣琛崔光遠與李嗣業兵皆會於衛慶緒。來救復大破之。遂拔衛州。慶緒走。子儀等追至鄴。許叔冀董秦等皆引兵繼至。慶緒收餘兵拒戰。於愁思岡。又敗。慶緒乃入城固守。子儀等圍之。破竹晉書。杜預傳。今兵威已振。勢如破竹。數節之後。迎刃而解。郭子儀為靈武太守。充朔方節度使。自陳陶斜之敗。帝惟倚朔方軍為根本。是時命九節度討安慶緒。又以魚朝恩為觀軍容使。雖圍相州。而兵柄不在此。曰。獨任朔方。蓋舉前事以風之。欲其專任子儀也。○朔方節度治靈州。以捍突厥。靈武靈州注俱見前。汗血漢書注。大宛舊有天馬。種踠石汗血。汗從尾

轉小孔中出。如血。回紇句。漢書張耳傳。如以肉餒虎。何益。又匈奴傳。元帝元壽二年。單于來朝。舍之上林苑。蒲萄宮。○是年八月。回紇遣驍騎三千助討安慶緒。上命僕固懷恩領之。海岱書。禹貢海岱惟青州。○肅宗自馬嵬。經彭原。平涼。至此。指安定之。崆峒。詳前。○崆峒及南。回亦自原州入。此欲其以起事艱難為念。○原州。今甘肅平涼府鎮原縣。三年。自至德元載。至是。凡越三年。關山月古樂府。名傷離別也。草木風秦苻堅與苻融登城而望。見八公山草木皆類人形。風聲鶴唳。疑以為兵。○此言典師以來。征戍之勤。鋒鏑之慘。為不可忘也。成王廣平王俶。進爵楚王。徙封成王乾元元年四月。立為皇太子。收復兩京。廣平為帥。今圍鄴。未與而詩。首及之者。志元勳。尊主器也。郭相子儀。時進中書令。司徒李光弼。先加檢校司徒。尚書王思禮。時遷兵部尚書。○合討慶緒之役。上命河東李光弼。澤潞王思禮。二節度將所部兵助之。東走翻。用張翰語。張翰仕齊。王問為東曹掾。因秋風起。思吳中葦菜羹。鱸魚膾。遂命駕歸。南飛。翻用魏武語。魏武帝短歌行。月明星稀。烏鵲南

士寺二

香

飛繞樹三匝無枝可依
鶴駕鳳輦龍樓周太子晉
乘白鶴仙去故後世稱太子之駕曰鶴駕唐儀衛輦
有七一日大鳳輦漢有銅龍門漢書上嘗急召太子
出龍樓門不敢絕馳道○鶴駕通宵備鳳輦以迎上
皇雞鳴報曉趨龍樓以伸問寢朝儀重整子道復修
皆將見之寇盡之餘蓋亦寓規於頌
將帥驕縱故正詞以警蕭丞相漢王引兵東定三
秦蕭何以丞相留守巴蜀使給軍食○肅宗按軍平
涼杜鴻漸首建朔方與復之謀且錄軍資器械儲磨
上之肅宗喜曰靈武吾關中卿乃吾蕭何也此應指
鴻漸張鎰鎰房漢張良字子房嘗為高祖畫奇計此
以比張鎰鎰徒步寇從元宗遣赴行在至鳳翔奏議
遺元宗幸蜀徒步寇從元宗遣赴行在至鳳翔奏議
多有去益拜諫議大夫至德二載瑄為相鎰才改荆府
立不肯若婿閻人羣闖疾之稱其無經濟才與之業
長史鎰之才勝房瑄乃公所尤注意以贊中興之業
者故申說獨詳房瑄乃公所尤注意以贊中興之業
絲白馬壽陽來侯景鴻陽之敗求錦朝廷給以青布
悉用為袍景乘白馬青絲為轡欲以應詔○指餘寇
言後漢今周以漢光周宣比肅宗言能專川鎰則

餘寇不足平而太平可坐致也
白環帝舜九年西
王母來朝獻白環玉玦銀甕王者宴不及醉刑罰
中則銀甕出療紫芝曲漢四皓隱於商山作歌曰煜
煜紫芝可以療飢詳見後收京詩注此當指李泌
時歸衡山河清嶺宋元嘉中河清為瑞鮑照作河
清頌○收京後嶺州合關河清蓋紀實事也○嶺州
今山西太原府岢嵐州並嵐縣是布穀鳴鳩也鳴
當播種時淇上健兒指園鄴之兵淇與相州鄰歸
莫懶蓋速其成功也淇水在淇縣西北淇縣今屬
河南衛輝府城南謂長安城南洗兵武王伐紂
風霽而乘以大雨
王曰天洗兵也
對仗工整近初唐四家體少陵偶
為之其氣骨沈雄則仍係公本色

茅屋為秋風所破歌

八月秋高風怒號。卷我屋上三重茅。茅飛度江灑江郊。
高者掛罥長林梢。下者飄轉沈塘坳。南村羣童欺我老。

無力忍能對面為盜賊公然抱茅入竹去唇焦口燥呼
不得歸來倚仗自嘆息俄頃風定雲墨色秋天漠漠向
昏黑布衾多年冷似鐵驕兒惡臥踏裏裂牀頭屋漏無
乾處雨腳如麻未斷絕自經喪亂少睡眠長夜沾濕何
由徹安得廣厦千萬間大庇天下寒士俱歡顏風雨不
動安如山嗚呼何時眼前突兀見此屋吾廬獨破受凍
死亦足

徹曉也

觀打魚歌

緜州江水之東津。魴魚鱖魚色勝銀。漁人漾舟沈大網。

截江一擁數百鱗。眾魚常才盡卻棄赤鯉騰出如有神。
潛龍無聲老蛟怒迴風颯颯吹沙塵。饗子左右揮霜刀。
鱠飛金盤白雪高。徐州禿尾不足憶。漢陰槎頭遠遁逃。
魴魚肥美知第一。既飽歡娛亦蕭瑟。君不見朝來割素
髻。咫尺波濤永相失。

緜州今隸四川江涪江也隴蜀餘聞緜州東涪水
安昌水合處匯為芙蓉溪即杜子美所云東津觀打
魚地今有漁父村赤鯉陶宏景本草鯉為魚中之
王神變至飛越山湖蛟怒物惡傷類也饗子潘
岳西征賦饗人縷切鸞刀若飛徐州見前禿尾
詩義疏鱖似魴而大頭魚之美者徐州謂之鱖禿
尾殆指此漢陰漢江之陰也湖北襄陽府地槎
頭峴山下漢水中出魴魚肥美常禁人採捕以槎斷
水謂之槎頭縮項魴

一飽之後仍歸蕭瑟。功名富貴何獨不然。

又觀打魚

蒼江漁子清晨集。設網提綱萬魚急。能者操舟疾若風。撐突波濤挺又入。小魚脫漏不可記。半死半生猶戢戢。大魚傷損皆垂頭。屈強泥沙有時立。東津觀魚已再來。主人罷鱸還傾盃。日暮蛟龍改窟穴。山根鱸鮓隨雲雷。干戈兵革鬪未止。鳳凰麒麟安在哉。吾徒胡為縱此樂。暴殄天物聖所哀。

操舟列子津人操舟若神。又潘岳西征賦垂餌出入挺又來往。屈強漢書陸賈說南越王佗曰乃欲以新造未集之越屈強於此。干戈聯即家語覆巢破卵則鳳凰不翔。剖胎剖孕則麒麟不至。意

前首為老饕戒耳。此更及干戈兵革。悲痛愈深矣。洪鐘無纖響。信然。

冬狩行

原注時梓州刺史章彝兼侍御史畱後東川。梓州見前。

君不見東川節度兵馬雄。校獵亦似觀成功。夜發猛士三千人。清晨合圍步驟同。禽獸已斃十七八。殺聲落日迴蒼穹。幕前生致九青兕。駝駝巖崖垂元熊。東西南北百里間。髣髴蹴踏寒山空。有鳥名鸚鵡。力不能高飛。逐走蓬肉味不足。登鼎俎何為見。羈虞羅中。春蒐冬狩侯得同。使君五馬一馬驄。况今攝行大將權。號令頗有前賢風。飄然時危一老翁。十年厭見旌旗紅。喜君士卒甚整肅。為我迴轡擒西戎。草中狐兔盡何益。天子不在咸

陽宮朝廷雖無幽王禍得不哀痛塵再蒙嗚呼得不哀

驟馳也步驟同見兵法訓練日回暗用魯陽揮戈
事淮南子魯陽公與韓構難戰酣日暮援戈而揮之
日為之返三舍 崑崙高貌 鸚鵡四句借言取此
無益不如乘時建功 唐刺史古諸侯之職侯得同
言彝刺梓州蒐狩之禮與古諸侯同也 五馬漢制
太守駟馬其加秩中二千石乃右驂故五馬一馬
驄謂兼侍御後漢桓典有風骨京師畏憚常乘驄馬
時為之語曰行行且止避驄馬御史 攝大將謂為
雷後老翁公自謂 西戎謂吐蕃 幽王禍周幽王十有
吐蕃陷京師代宗幸陝州也 幽王禍周幽王十有
一年申侯召犬戎入寇王舉烽
火徵兵兵莫至遂弑王驪山下
丹青引贈曹將軍霸 霸曹髦之後髦畫稱於魏代
每詔寫御馬及功臣 官至左武衛將軍

將軍魏武之子孫於今為庶為清門英雄割據雖已矣

文采風流今尚存學書初學衛夫人但恨無過王右軍

丹青不知老將至富貴於我如浮雲開元之中常引見

承恩數上南薰殿凌煙功臣少顏色將軍下筆開生面

良相頭上進賢冠猛將腰間大霸箭褒公鄂公毛髮動

英姿颯爽來酣戰先帝天馬玉花驄畫工如山貌不同

是日牽來赤墀下迴立閭闔生長風詔謂將軍拂絹素

意匠慘淡經營中須臾九重真龍出一洗萬古凡馬空

玉花卻在御榻上榻上庭前屹相向至尊含笑催賜金

圉人太僕皆惆悵弟子韓幹早入室亦能畫馬窮殊相

反觀將軍之畫善非必賦詩也

伏下途窮

以畫陪畫

從畫人引起畫馬

畫善非必賦詩也

幹惟畫肉不畫骨忍使驛驪氣彫喪將軍善畫蓋有神
仍歸到畫人
偶逢佳士亦寫真卽今飄泊干戈際屢貌尋常行路人
自已在其
途窮反遭俗眼白世上未有如公貧但看古來盛名下
內
終日坎壈纏其身

爲庶見左傳昭三十二年三后之姓於今爲庶
夫人名鏤字茂猗晉廷尉展之女弟恆之從女汝陰
太守李矩之妻隸書尤善規矩鍾公王右軍名羲
之字逸少爲晉右軍將軍會稽內史少嘗師衛夫人
及北遊見李斯曹喜等書乃改本師於衆碑學習焉
篆籀八分隸書章草飛白行書草書通謂之八體惟
右軍兼工西內南薰殿在內。唐有三大內太極宮
在西故名西內大明宮在東故名東內別有興慶宮
號南內三內更迭受朝而大明宮最數凌煙閣在西
內三清殿貞觀十七年春圖功臣於其上進賢冠
唐百官朝服皆冠進賢大箭唐太宗好用四箭
大箭長常箭一扶射洞門闔

臣二十四人皆北面開府儀同三司鄂國公尉遲敬
德第七故輔國大將軍揚州都督褒國忠壯公段志
元第十先帝謂元宗玉花驄明皇雜錄上所乘
有玉花驄照夜白慘淡經營金聖嘆曰蓋作家揮
灑斷不肯輕率故其落筆之先必定極意經營有
似苦難而其形色亦復慘淡也此真善道名下匠心
殆先生亦名下耳太僕馬官圉人廝養也○畫馬
奪真故圉人太僕爲之惆悵韓幹大梁人官至太
府寺丞善寫貌人物尤工鞍馬初師曹霸後獨自擅
坎壈不得志也楚辭志坎壈而不違壤盧感切
此太史公列傳也多少事實多少議論多少頓挫俱
在尺幅中章法跌宕能令至尊含笑後
物○前畫功臣御馬能令至尊含笑後
畫行路常人反遭俗子白眼無限感慨
韋諷錄事宅觀曹將軍畫馬圖歌
韋諷爲閬州錄
事參軍居在成
都曹將軍九馬圖後藏長安薛紹
彭家蘇子瞻作贊○閬州見前
國初已來畫鞍馬神妙獨數江都王將軍得名三十載

杜詩此

卷

人間又見真乘黃。曾貌先帝照夜白。龍池十日飛霹靂。
內府殷紅馬腦盤。婕妤好傳詔才人索盤。賜將軍拜舞歸。
輕紈細綺相追飛。貴戚權門得筆蹟。始覺屏障生光輝。
昔日太宗拳毛騮。近時郭家師子花。今之新圖有二馬。
復令識者久歎嗟。此皆戰騎一敵萬。縞素漠漠開風沙。
其餘七匹亦殊絕。迥若寒空動煙雪。霜蹄蹴踏長楸間。
馬官廝養森成列。可憐九馬爭神駿。顧視清高氣深穩。
借問苦心愛者誰。後有韋諷前支遁。憶昔巡幸新豐宮。
翠華拂天來向東。騰驪磊落三萬匹。皆與此圖筋骨同。
自從獻寶朝河宗。無復射蛟江水中。君不見金粟堆前

松柏裏龍媒去盡鳥呼風

江都王名緒太宗猶子也善書畫鞍馬擅名官至金
州刺史。○金州今陝西興安府。乘黃生白民之國
其狀如狐背上有兩角乘之壽二千歲即飛黃也
先帝謂元宗龍池唐六典注興慶宮今上潛龍舊
宅也宅東有舊井忽涌為小池常有雲氣或黃龍出
其中景雲中其沼浸廣遂湏洞為龍池焉。○言霸畫
馬逼真龍馬故能感動龍池之龍隨風雷而至也
婕妤唐內官凡九人正三品才人注見前紈綺追
飛指權戚之求畫者隨之而來也。○拳毛騮唐太宗
六駿之一刻石昭陵北闕下次第五黃馬黑喙。○獅
子花天中記載曰即九花蚪代宗自陝還以御馬九
花蚪賜郭子儀。○縞素畫馬之縞也言縞素一開如
見戰地風沙。○楸栢葉松身古人多種楸於道楚辭
望長楸而太息。○支道林道常養數匹馬或曰道人
畜馬不韻支曰貧道重其神駿耳。○新豐唐京兆府
昭應縣今西安府臨潼縣本漢新豐有宮在驪山下
為羣望之若雲錦。○朝河宗穆天子傳天子西征至

陽紆之山河伯馮夷之所都居是惟河宗氏又水經注云玉果璿璣燭銀金膏等物皆河圖所載河伯所獻穆王視圖乃導以西邁矣。蓋穆王自此上昇用以比元宗之昇遐也。射蛟漢武帝元封五年自潯陽浮江親射蛟江水中獲之。金粟山堆明皇泰陵也。陵在奉先縣東北二十里金粟山。龍媒漢書天馬來龍之媒。

如太史公寫鉅鹿之戰。楚兵無不以一當百。呼聲震天。當使古今詩人膝行匍匐而見。此與前篇俱極沈鬱頓挫。尤須玩其結構之妙。將江都王襪出曹霸。又將支道韞出韋諷。便增兩人多少身分。本畫九馬。先將照夜白說來。詳其寵賜之出。本結九馬。卻想到三萬匹去。不勝龍媒之悲。前後波瀾亦濶。中敘九馬。先將拳毛獅子二馬拈出。另敘次及七馬。然後將九馬併說。妙在一氣渾雄。了不着蹟。真屬化工之筆。

古栢行

成都武侯祠堂附於先主廟夔州則先主武侯廟各別此詩專詠夔州廟栢

孔明廟前有老栢。柯如青銅根如石。霜皮溜雨四十圍。

黛色參天二千尺。君臣已與時際會。樹木猶為人愛惜。

雲來氣接巫峽長。月出寒通雪山白。憶昨路繞錦亭東。

先主武侯同閔宮。崔嵬枝幹郊原古。窈窕丹青戶牖空。

落落盤踞雖得地。冥冥孤高多烈風。扶持自是神明力。

正直元因造化功。大廈如傾要梁棟。萬牛迴首邱山重。

不露文章世已驚。未辭翦伐誰能送。苦心豈免容螻蟻。

香葉曾經宿鸞鳳。志士幽人莫怨嗟。古來材大難為用。

巫峽在今四川夔州府巫山縣東與西陵峽歸峽並稱三峽自三峽七百里中兩岸連山非亭午夜分不見曦月。雪山大雪山也一名蓬婆山在今松潘廳。疊谿營西錦亭即成都錦江亭。郊原成都郊原也。成都記先主廟西院即武侯廟前有雙大栢人云諸葛手植即所謂錦官城外栢森森者。落落四

句言成都之栢在郊原平地固可久存若此之盤踞
高山而烈風莫撼者誠有得於神明造化之力耳
邛山重言木重難載宿鸞鳳後漢
方儲遭母憂種松栢鸞鳳棲其上
首詠夔州廟栢次借成都栢作觀結從詠栢寄材大
難用之慨公生平極贊孔明蓋竊比之意○不露文
章不炫俗也未辭翦伐不絕俗也容螻蟻媒孽
何傷宿鸞鳳德輝交映俱為志士幽人寫照

縛雞行

小奴縛雞向市賣雞被縛急相喧爭家人厭雞食蟲蟻
不知雞縛還遭烹蟲雞於人何厚薄吾叱奴人解其縛
雞蟲得失無了時注目寒江倚山閣

宕開作結愛物而幾於齊物矣

觀公孫大娘弟子舞劍器行

并序

大曆二年十月十九日夔州別駕元持宅見臨穎李
十二娘舞劍器壯其蔚跂問其所師曰余公孫大娘
弟子也開元五載余尚童稚記於郾城觀公孫舞劍
器渾脫瀏灑頓挫獨出冠時自高頭宜春梨園二伎
坊內人洎外供奉曉是舞者聖文神武皇帝初公孫
一人而已玉貌錦衣况余白首今茲弟子亦匪盛顏
既辨其由來知波瀾莫二撫事慷慨聊為劍器行昔
者吳人張旭善草書書帖數嘗於鄴縣見公孫大娘
舞西河劍器自此草書長進豪蕩感激即公孫可知
矣

昔有佳人公孫氏一舞劔器動四方。觀者如山色阻喪。天地爲之久低昂。燿如羿射九日落。矯如羣帝驂龍翔。來如雷霆收震怒。罷如江海凝清光。絳脣珠袖兩寂寞。晚有弟子傳芬芳。臨穎美人在白帝。妙舞此曲神揚揚。與余問答既有以。感時撫事增惋傷。先帝侍女八千人。公孫劔器初第一。五十年間似反掌。風塵瀕洞昏王室。梨園弟子散如煙。女樂餘姿映寒日。金粟堆南木已拱。瞿唐石城草蕭瑟。玳筵急管曲復終。樂極哀來月東出。老夫不知其所往。足躡荒山轉愁疾。

蔚文也。 跋壯也。 臨穎郟城二縣今俱屬河南許州。 劔器渾脫段安節樂府雜錄健舞曲有稜大阿

連柘枝劔器胡旋胡騰等張爾公正字通劔器古武舞曲名用女妓雄粧空手而舞或以劔器爲刀劔誤也。通鑑中宗宴近臣令各效伎藝爲樂將作大匠宗晉卿舞渾脫胡三省注長孫無忌以烏羊毛爲渾脫。璫帽人多效之。謂之趙公渾脫。因演以爲舞。明皇雜錄公孫大娘能爲鄰里曲及裴將軍滿堂勢西河劍器渾脫舞妍妙皆冠絕於時。○按沅水續談云子於役三關次太子灘羣舞來見騎。○按沅水續談云子於脫也。蓋取羊皮去其骨肉令不透水。以氣管吹之。宛然羊也。因渾脫其肉骨而製之。故以爲名。因憶南卓羯鼓錄載杜鴻漸嘗於嘉陵江月夜以柘枝擊羯鼓。見岸上羣羊皆低昂盤旋舞應節。奏則舞名渾脫亦當以羊取義。又李太白僕開先塞上曲有云不用輕帆更短棹。渾脫飛渡只須臾。自脫音駝。又陳暘樂書云樂府諸曲自古不用犯聲。唐自則天末年劍器入渾脫爲犯聲。據此則脫讀平聲。而劔器渾脫調以臣犯君。故爲犯聲。據此則脫讀平聲。而劔器渾脫調以臣犯君。故義舞取義於羊。較以趙公帽爲義。又長也。劉濂流動貌。太常開元二年明皇以太常禮樂之司不應樂皆隸太常。開元二年明皇以太常禮樂之司不應

杜詩什

望

典倡優雜伎乃更置左右教坊以教俗樂右教坊在
光宅坊左教坊在延政坊右多善歌左多善舞又選
坐部伎子弟三百人自教之於梨園謂之皇帝梨園
弟子宮女數百人亦為梨園弟子宜春北院謂之
內人亦曰前頭人浦二田曰高頭疑即前頭之謂前
頭者常在上前也聖文神武元宗尊號也天寶入
載六月上謁太清宮羣臣上尊號曰開元天地大寶
聖文神武應運皇帝張旭善草書嘗言始吾見公
主擔夫爭路而得筆法之意後見公孫氏舞劍器而
得其神九日落淮南子堯時十日並出堯令羿射
中九日日鳥皆死墮其翅翼龍翔夏侯元賦又如
東方羣帝兮騰龍駕而翔翔兩寂寞謂人與舞俱
亡也白帝城在今四川夔州府東白帝山公孫述
據蜀有白龍自井出名西陵峽乃三峽之門兩
前瞿唐在夔州府東舊名西陵峽乃三峽之門兩
崖對峙中貫一江灩澦當其口瞿塘石城應即指白
帝白帝城枕白帝山石垣繚繞正俯瞿塘兩崖指
筵江總詩玳筵歡趣密足繭足舐也戰國策蘇子
足重繭日百而後舍

序從弟子逆推至公孫詩從公孫順拖出弟子舞之
妙已就公孫詳寫李之舞祇以神揚揚三字括之可
識虛實互用之法結二語所謂對此茫茫百端交集
天涯流落去住兩難作者讀者俱欲敷然一哭○詠
李氏思及公孫詠公孫思及先帝全是為開元天寶
五十年來治亂興衰而發不然一舞女耳何足搖其
筆端哉

追酬故高蜀州人日見寄 并序

開文書帙中檢所遺忘因得故高常侍適往居在成
都時高任蜀州刺史人日相憶見寄詩淚灑行閱讀
終篇末自枉詩已十餘年莫記存沒又六七年矣老
病懷舊生意可知今海內忘形故人獨漢中王瑀與
昭州敬使君超先在愛而不見情見乎辭大厯五年

正月二十一日。卻追酬高公此作。因寄王及敬弟。

自枉蜀州人日作。不意清詩久零落。今晨散帙眼忽開。

送淚幽吟事如昨。嗚呼壯士多慷慨。合沓高名動寥廓。

嘆我悽悽求友篇。感君鬱鬱匡時略。錦里春光空爛漫。

瑤墀侍臣已冥寞。瀟湘水國傍鼉鼉。鄂杜秋天失鷓鴣。

東西南北更誰論。白首扁舟病獨存。遙拱北辰纏寇盜。

欲傾東海洗乾坤。邊塞西蕃最充斥。衣冠南渡多崩奔。

鼓瑟至今悲帝子。曳裾何處覓王門。文章曹植波瀾闊。

服食劉安德業尊。長笛鄰家亂愁思。昭州詞翰與招魂。

蜀州今四川成都府崇慶州也。適由彭州刺蜀。漢中王讓皇帝第六子。初封隴西公。天寶十五載從元

宗幸蜀。因封漢中王。乾元二年。嘗因事貶蓬州長史。

昭州唐屬嶺南道。以昭岡潭為名。今廣西平樂府

是。求友篇。公在蜀。常以詩寄高。歎我謂高。歎我

也。侍臣高。終於散騎常侍。湘水至零陵。而營水

會之二水合流。謂之瀟湘。瀟者水。至清之名也。零陵

今湖南永州府。此謂舟泊潭州。潭州今湖南長沙

府。鄧縣名。漢屬右扶風。今屬陝西西安府。杜杜曲

也。詳前。此謂高沒長安。寇盜謂吐蕃。大曆三年

四月。吐蕃頻入寇。充斥多也。見左傳。襄三十一

年。寇盜充斥。南渡大江也。至德以後。中原多故。襄

鄧。百姓兩京衣冠。盡投江湖。荆南井邑。十倍於初

本。借用晉元帝南遷。渡江事。按晉永嘉五年。海內大

亂。獨江東差安。中國士民多南渡。江鼓瑟楚辭。使

湘靈鼓瑟兮。謂身在湘潭。曳裾漢鄒陽上書曰。

臣飾愚陋。則何王之門不可曳。裾乎。鼓瑟而悲。南

滯之感。曳裾何處。北望之情。曹植魏平原侯也。好

文學。與山陽王粲。北海徐幹。廣陵陳琳。雷阮。瑤汝

南。應瑒。東平劉楨。並見友善。劉安。即淮南子。服食

求仙。遍禮方士。曹劉比漢中王。長笛向秀。思舊

賦。序云。鄰人有吹笛者。發聲寥亮。追思曩昔遊晏之

士。寺上。

好感音而嘆故作賦云。以秀思舊比
 已思適。招魂欲得敬詩以招適也。
 嗚呼四句。推其才望。帶表相契。錦里四句。傷高沒也。
 錦里空而身傍。鼉鼉惠詩之處。不堪回首矣。瑤墀冥
 而人失鵬鶚。作詩之人。杳然長逝矣。彼此互嘆。文情
 搖曳。高詩結句云。愧爾東南西北人。東西南北六句。
 乃就高語而推透一層。分說東南西北。東西南北。六句。
 本楚辭招魂章法。亦古人酬和體也。

風塵自有英雄在
 十室山無賢人
 隱居人



人日寄杜 蜀州刺史高適

人日欲待寄 草堂遙憐故人思
故鄉 柳系弄色不忍見梅花
滿枝堪斷腸 身在南蕃苦所
願 心懷百五文復千 尚慮今年
人日空 扣憶明年 此日知何事
一以东山三十春 豈知書劍

老風 蓬龍鍾 幸希二千石 愧爾東
西南北人

			侯景	胡氏	相入	徒行	景景	武帝	帝以	帝王
			湘方	胡氏	相入	徒行	景景	武帝	帝以	帝王
			人	胡氏	相入	徒行	景景	武帝	帝以	帝王
			或曰	胡氏	相入	徒行	景景	武帝	帝以	帝王
			雁門	胡氏	相入	徒行	景景	武帝	帝以	帝王
			人	胡氏	相入	徒行	景景	武帝	帝以	帝王
			字	胡氏	相入	徒行	景景	武帝	帝以	帝王
			高	胡氏	相入	徒行	景景	武帝	帝以	帝王
			景	胡氏	相入	徒行	景景	武帝	帝以	帝王
			有	胡氏	相入	徒行	景景	武帝	帝以	帝王
			齊	胡氏	相入	徒行	景景	武帝	帝以	帝王